

吳  
興  
詩  
話

吳興詩話卷十四

烏程戴璐菴塘輯

竹墩地偏境靜占水竹菰蘆之勝沈膺翁雜興六首可  
傳圖畫詩云彷彿徂徠舊隱居竹中小住愛吾廬謫仙  
才調誰能擬巢父詩篇肯弗如隨分盤餐慙菽水放懷  
山水狎樵漁新來添種千竿玉點綴溪陰樂有餘村居  
聚族古風留派衍吳興繼隱侯桑梓百年承世澤耕耘  
一姓服先疇漫誇馬上馱官誥合向溪邊築詠樓却愧  
秋來腰瘦損家風祇此法前修前溪燈火接比鄰親串  
招邀往返頻數徧門風孰王謝圖將嫁娶並朱陳柳邊  
古岸尋詩路花外輕橈載酒人共占柴桑行樂事兩家

吳詩話十四

風月四時新

前邱吳氏距一里世爲姻好

偶棹孤舟入郡城往來便

作看山行熏鑪茗碗長爲侶箬笠煙簑也有情百頃水田千點鷺四圍煙柳一聲鶯此中自古浮家好無浪無風鏡面平

宣城梅瞿山

清

吳興舟中詩幽霽招舟子孤篷獨扣舷

一峯青到水兩岸碧於天漁艇通村徑蠶絲繞夏田棹歌明月上客夜幾人眠

霅溪館鎮霅樓似在館驛前碧瀾堂相近然杜牧詩風定蘇潭看月生卽今蘇臺則又似在城北臺傳爲蘇頌爲尉誤墮於此故名今張雪子太史世居臺下卽號蘇潭地極幽靚近飛英寺

輪翁集有南莊讌集與妓昔紈分韻詩泠泠瀟碧對湖  
嵌杳杳高齋隱石巖勝友狂研烏玉玦佳人涼試雀羅  
衫興因香遠干霄上情共杯深盡日銜愁絕東陽移帶  
客綠楊坪外挂歸帆又題昔紈便面云弱未勝鴉顫綠  
條人前作意倚風飄縱然家令稱長病敢共樊蠻鬪瘦  
腰想得一時勝集南莊未知何處俟考

東遷爲東鄉小鎮汪厚石

孟錫

有舟過東遷讀胡穎傳

詩注胡陳書東遷人詩云偶攜佳傳讀流寓省東遷下  
若稱同郡當時接遇偏論功千載上繫纜六年前零落  
人民在推書一悵然志稱穎美姿容屢立戰功官吳興  
太守

吳詩話十四

木瓜墩亦小村落姚薏田舊館絕句扁舟風露近黃昏  
舊館人家早閉門忽憶春頭沽酒處淡煙籠月木瓜墩  
神韻不減唐人

駱駝橋上蘋風起鸚鵡杯中下若春劉禹錫送人之吳  
興詩也是唐已有此橋東坡亦有向晚駱駝橋下過恣  
看修網出銀刀之句嚴海珊詩烏篷吟過駱駝橋鮑西  
岡詩今日駱駝橋上望半城山色雨濛濛今屢改橋名  
而人只以駱駝呼之余家世居橋右後遷馬軍巷堂東  
秋樹山房先大父與名士觴詠地老梧一本高出樓際  
額爲臧廷鑑分書鮑西岡集有與金壽門集戴孝廉秋  
樹山房詩云秋樹陰中屋數椽一時文酒會羣賢剡溪

何似苕溪好乘興偏留訪戴船菰城西去水潺湲頃刻

抽帆便擬還記取夜來燈下語憑君爲訪上强山

見香山詩

是年康熙丁酉秋也雍正辛亥再宰長興有過馬軍巷  
懷卯君侍御詩云言尋秋樹宅爲憶故人驄白首高堂  
健烏臺舊望崇馬卿曾病渴阮籍昔途窮藥餌分清俸  
襟期見古風析津三歲別若水五湖通文酒何時再溪  
山幾輩同星軺趨輦下旌節返江東緘意何由達相思  
悵斷鴻時先大父江左清查積欠還京旋巡察保正河  
三府故云馬軍巷入詩始此又懷人詩臨軒頒寵命親  
遣繡衣臣芳草王程暖桃花驛路春齊梁宮體麗旌節  
使星頻舊跡南朝寺紗籠處處新亦爲先大父也

餘姚鄭黛參

世元

字亦亭以諸生久客吳興往來苕霅

慕張志和以斜風細雨名集乙酉寄韓五詩申詩先生  
親愛同張禹弟子才華有戴崇年少講求千載業秋來  
辟易萬人雄時先祖爲韓公門人初赴省試期許如此  
又寓秋樹山房贈戴翼皇詩八股今文體三冬此集探  
時選西憑欄山湧翠出郭水拖藍清遠吾殊戀精微子  
科時文已諳夜來呵凍閱庭雪戰風酣又秋樹山房同翼皇遲  
詩申不至詩歲暮依前約囊羞照舊空坐偕青眼客對  
話紫髯翁雪意重陰裏山光一室中無聊且斟酌看取  
醉顏紅又秋樹山房留別翼皇詩舊住蘋洲日憶歸二  
旬秋樹別依依漫村白雨飛漁艇繞郭青山挽客衣歲

暮親知相望久古來儒術不謀饑少年文譽如君少樂

友師賢更所稀丙戌復來江岷源中書

發

弟兄延至飛

英寺俾弟相星左趙莘來從遊時與嚴玖林

啟煜

儀一

民法

潘仲曦倡和有戴翼皇招同周柯雲韓詩申嚴玖

林儀一戴元徵游法華寺詩同尋法華寺來往歎浮家

弁嶺羣峯拱菰城一雨遮荒厨投野雀清磬殷

去聲

秋花

租課居人足山田盡種茶數子堪吾侶看山亦爾清人

經松樹歇舟帶渚田橫月峽繁茶使龍溪問楚兵眼前

陳跡是肯謝酒杯盈辛卯重至飛英儀一仲曦俱下世

岷源詩申奔走南北莘來遠寄袁浦惟韓自爲

雲

韓碧

城走視夜與星左歛歛漫述詩七年不向此中來塔頂



風鈴語亦哀流水邈然隨我去黃花久矣背人開重尋

壁上題詩句無復城南舊酒杯忽聽魚聲催曉夢滿前

蝶影點蒼苔甲午生子

虎文

遊粵數年庚子

姚江詩存作雍正癸

卯

方舉京兆先祖贈詩云十二年無尺紙通相看絲鬢

各成翁不圖倔強人猶昔轉歎飄零句益工婪尾天方

留子殿榜頭名更讓誰雄雜言悲喜春明裏瞬息江郎

夢已終

時江岸薑已下世

虎文字炳也入秀水籍壬戌翰林贊

善屢典文衡是鄭與寒家世誼最切炳也與先君在都

中未曾敘及近於阮少司寇藏書中見集元徵從曾祖

諱滋入詩亦始見於此晴楓叔卽公孫也志有寓賢一

門若黛參者曷可遺諸別裁選詩云未見刻集僅從炳

也手錄則集更足珍詩各體俱佳

長興多循吏閻愉字敬生號某園山東昌樂人諭德世繩子康熙庚辰翰林改令長興辛卯分校浙闈先祖出門下治行稱最與邑人論文校藝如家人引疾歸山左詩選山行詩煙散千峯白樵通一徑斜山花堪入饌石薜試烹茶似是長興所作公子廷佑雍正甲辰進士孫循琦乾隆壬戌進士工部尚書諡恭定曾孫學洵乾隆甲辰進士刑部主事今官揚州江防河務同知五世進士海內所稀

元徐幼文

賁

志稱隱於蜀山沈輪翁有北郭尋徐幼文

宅詩云東吳詩老幾高人城北徐公更絕倫四傑豈惟

吳詩話十四

稱後勁十才原合作比鄰寒城杳杳空堂廢青草茫茫  
古徑湮記得蜀山尋舊蹟傷心兩地總荒榛則作於蘇  
州也

蓮花莊爲松雪故址姚氏世居觚翁集有姚甥玉裁招  
同吳南杜姚念慈蘭成小飲詩白蓮莊在鷗波里葉葉  
香風座上來脫畧袍衫無六月團團親串倒千杯遙瞻  
汾晉霜臺肅兼憶衡湘絳節開知己雲霄屹相望何時  
也共故園醅注稱先祖司臬晉陽吳牧園太史視楚學  
先祖久與篙師先生癸卯同年而先生仍執辛卯年誼  
時爲念及正見前輩古道又稱鍾潭看荷云女牆園處  
小池幽頓有清香兩岸浮千頃紅雲蓋明鏡分明重作

曲江遊菊坡園接晦巖園勝地名流勝往年畫棟雕闌  
何處覓風裳水佩尙依然蘇公愛賞下塘春此地風光  
最遠塵絕勝環城三十里兩番分韻却何人

坡公有繞城觀荷詩

潭爲童時往來之地風景殊佳此詩能狀其妙

德清半月泉東坡題名因詩不載集中人疑其僞徐宗

伯賦詩二首又八疊坡公韻結月泉吟社庚辰春同趙

質庵明府

文彬

蔡宮允

升元

談選君

九乾

陳瞿石太守

一夢

飲半月泉賦長律五十韻有趁此驚花夕重開玳

瑁筵杯行銀鑿落伎立玉嬋娟小袖雲藍窄輕喉翠管  
圓非關戀歌舞祇覺愛留連等句想見一時之盛乾隆  
初復加修葺宗伯孫商農刻詩並跋辨之尤力蓋名賢

隻字留貽地以人重必欲強聒不休亦甚無謂鄭黛參  
亦有題句

半月泉旁慈相寺東有呂東萊讀書臺宋葉夢圭記稱  
爲淨林墮鐸暗響流淙嶂合屏環亭空澗落乾隆初久  
圯署縣王良穀捐俸紳士助修仍爲呂成公書院徐商  
農賦落成詩二首

張南華宮詹

鵬翮

雍正戊申來湖有卽目詩采桑罷繫

木蘭雙幽徑無人靜吠龍一帶畫樓臨綠水家家開得

照山窗

蠶將成繭開窗照之名曰照山

上山喜值晏溫天蠶忌初開候

繭綿共道今年頭葉賤餘枝留待二蠶眠雪水東來第  
幾橋綠波紅舫聽招招竹枝聲裏渡湖去溪女賣魚還

宋樵

薛鏡爲苕溪獨產杭堊浦創詠方鏡館閣和作大率賦  
鏡居多取其切湖切薛氏者杭云塵海何人不毀方苦  
心良冶見鋒芒輝煌素壁真無翳較量元珪惜少光巧  
製薛家籠玳匣新磨苕水汲銀塘修眉廣額分明畫京  
兆風流舊姓張曲檻常懷水一方觚棱偏愛射寒芒堂  
襟納月三條影壁帶梢金二等光秋露有情飄玉井東  
風無力解冰塘苕娘苕子紛投贈攜向紅樓鎮日張張  
南華和云漫爲圓製強爲方依樣盤龍耀角芒寶殿四  
阿爭散彩靈臺一寸欲交光丰稜峻作千秋鑑品量宏  
開半畝塘長價近來憑薛燭錦匣緗篋憶分張申笏珊

甫和云祥金躍冶賦形方出匣應騰四照芒肝膽棱棱  
增壯氣鬚眉歷歷有餘光霜明鴛瓦臨高閣日射堅冰  
裂淺塘盡愛薛家新製好碧湖春浪片帆張

蔣心餘太史

士銓

祖籍湖州故號苕生辛卯來湖客太

守署有尋天聖寺觀管夫人墨竹及松雪翁瀟湘煙雨  
二畫壁游弁山白雀寺題墨妙亭拜胡安定祠像五古  
四首

吳尺鳬

焯

畫竹寄吳興友人云碧草殘碑文與可青苔

斷壁管夫人都是吳興舊名物越看越久越精神春風  
翦翦雨絲絲屋角新抽綠玉時記得白蘋洲上渡漁郎  
唱徹竹枝詞又送陸鶴亭之孝豐廣文云溪山面面有

雲征好葺齋廬力自營不少侯芭爲弟子應誇韓愈作  
先生一官國事兼家事百里山程帶水程聞近雪川梅  
似雪板輿扶取看花行又蓮花莊云江南春老白蘋洲  
潏潏風前一葉舟惆悵王孫舊池館垂楊深處宿沙鷗  
蓮花莊上幾經過宿雨荒煙滿碧波却怪拏魚雙槳女  
對人猶唱采蓮歌浪遊到處儘酸涼花落汀洲水亦香  
他日買山先買水白蘋紅蓼結書堂尺牘杭人未遇有  
瓶花齋文讌名流恆樂道之鶴亭名鳴皋辛卯舉人有  
詩集

阮吾山少司寇

葵生

客茗有同浦聲之

鐘

尋趙子昂銀

杏詩云烏程城中泥滑滑衙齋幾日虛游屐浦君好奇



與我同卻趁新晴問遺跡傳聞銀杏自炎宋承旨當年  
親手植年荒代遠無人知徧訪幾如重九譯道旁一老  
鬚鬢皤欬爲指橋邊宅蔓草荒煙委市廛破牆敗瓦  
攢街脊當頭古榦撐青霄四圍荆杞從誰闢龍拏螭屈  
鬱輪囷蘇蝕藤縈雜青赤森森蕭蕭向日寒似有陰風  
起樹隙出地已經六百年參天何止二千尺一株半死  
尙含青五十年前遭霹靂中心慘裂森開張瀝血流膏  
溷砂礫摩挲此樹感懷抱何啻秦松與漢柏幾番憑弔  
哀王孫黍離歌罷傷銅狄乾坤破碎家何有宮闕榛蕪  
淚霑臆詩名書跡滿人寰草亡木天同寥寂遺基空與  
世銷沈大樹猶爲人愛惜回首冬青哭杜鵑蒼蒼一樹

無顏色又天聖寺壁觀管夫人畫竹歌殘陽欲墜澹將  
夕江城日暮飛虛嵐掣閒步履城北寺經樓破碎供瞿  
曇一徑行來古殿上草翳牆角苔侵龕寺僧指點誇墨  
室仲姬畫壁資幽探偶然物色睹神妙眼開眉舞心忘  
悵不笋而生不根活蕭蕭疎疎復甦甦風篁露筍致瀟  
灑苔花石色俱清酣風霜剝蝕粉光落有似食葉叢春  
蠶雅人深致有態度不知黠藩磨幾甌天留妙墨恣眺  
賞行人只擬遊湘潭北宋荔裳先生當年最嗜古題詩日日  
停羸驂琅玕清影字如斗題額欲墜危楹檐我來吟詩  
復讀畫幾番懷古情空含天上人間此佳偶鷗波亭子  
吟和耽摩挲壁下趣不厭天邊月影飛經函便欲坐卧

三日去流連那復思淮南

武康疑紫山俗訛銀子封閉已久丙戌丁亥有人呈請  
開礦阮少司寇弟紫坪令德清巡撫檄往查勘不入山  
竟赴府言於太守曰俗語不實流爲丹青可無勘而明  
奸人行險徼幸庸知不預爲造作以實其語設勘之果  
確則竟開礦任採乎不若據理辨駁一紙申覆因力陳  
其不便於民間數事謁上臺力言理所必無並陳其利  
害事乃得已以上見茶餘客話紫坪諱芝生先君丁丑  
同年宰德清未久罕題詠先客杭州有懷古詩推絕唱  
附錄於後隔岸人煙點點浮伍胥祠廟對高秋四圍峯  
色雲霞合終古潮聲日夕流稽嶺甲棲謀士聚蘇臺鹿

走竊圖休興亡往事都消歇誰問扁舟范蠡遊鎮海軍  
聲殷怒雷錦衣江上射潮迴勢連吳楚開邊壘地盡東  
南出霸才舊券尙存唐帝號新銜誰受汴梁推孤臣惟  
有羅昭諫曾伏王庭抗疏來汴京王氣忽然消航海南  
來指樂郊不信矢心甘破釜未妨屈膝受分茅六陵風  
雨沙邊骨半壁河山幕上巢江左偏安今莫笑中原形  
勝未全拋強敵初張靜不虞襄樊一失勢全孤遊軍坐  
甲驚傳檄丞相開城且泛湖潮退江干朝駐馬草荒宮  
寢夜啼烏蕭蕭禾黍秋風裏留得青山似畫圖

海鹽張芭堂明經

燕昌

與陳無軒廣文

焯

交最契時往

來茗雪間無軒贈詩云張子善逃俗寢食冰雪文汲古

窺奧發思驅風雲夢我永悲感

謂思親九章

蘭臭敦交親

長林豐草間悠悠麋鹿羣庚寅無軒應京兆試延課子  
姪遂館湖州著有羽扇譜記土風也秋夜寄懷陳無軒  
云夜涼卧蕉葉熟睡知何鄉俄至山谷間叢蘭吐芬芳  
采采欲盈把將以遺遠方路長不能寄獨立正傍徨雞  
鳴清夢破仰見明月光其同里蔣寅谷考功泰來絕愛  
貧之有和作刻集中又無軒畫梅贈之喜題其上云湘  
管蕭疏雨後涼閉門無事日初長偶然一枕羅浮夢烟  
外月明風露香

莘錦峯

相

爲季張季父官嘉協守備駐海鹽與芑堂善

秋日送莘還湖州云握手憐君氣誼真驪歌纔聽已傷

神鷗波亭上秋如錦應對西風憶故人風柳離亭咽暮  
蟬寒江秋水淡於煙無端兩槳催歸急擬向青山繪客  
船落句初作何處青山繪客船或勸其改碧浪湖邊繫  
客船芭堂意盡因改擬向青山繪客船云

吳興詩話卷十四

吳興詩話卷十五

烏程戴璐菴塘輯

沈歸愚尙書

德潛

系本吳興明初遷蘇州葑門外亦名

竹墩康熙壬寅年五十來遊峴山道場何山弁山諸勝  
各賦五古德清道中將訪李明府云前期人指鳥飛外  
竟日舟行桑影間尙書與輪翁東田諸先生敘昆弟之  
誼或在其時與

湖州題詠詩多矣獨哀隨園

枚

擅揚州以湖名聽已涼

況兼城郭雨中望人家門戶多臨水兒女生涯總是桑  
打槩正逢紅葉好尋春自笑白頭狂明霞碧浪從容問  
五十年來得未嘗



厲樊榭

鵲

和鮑西岡蘋洲曲十首體似樂府又月河雜

題菱絲荷葉到階除頗羨才人此卜居慚愧月河爲寓

客所聞前事不勝書

宋莫君陳撰月河所聞

樊榭客湖納姬朱氏

名月上繪碧湖雙槩圖沈綸翁題云澄湖雀舫載娉婷

四面烟螺作畫屏須識先生非浪跡煎茶莫漫比樵青

茗水茗山花月鄉任呼茗子或茗娘

茗子卽牧之水嬉所見李小有納湖

茗娘

綸翁廿載湖中住但有空舲載筆牀杭堇浦

世

駿詩薛家鏡子照梳鬟黛梳何曾盡日閒夫婿愛誇新

樣好畫眉只學小剪山青蘆結響正西風一舸浮來是

鬧紅手把鳳簫羅袖薄蘋風吹動月明中杭堇浦嘗寄

越香附句云知有閒情共繾綣茗娘纖手喜初拈廿四

歲沒樊榭賦詩十二首錄極悽惋者門外鷗波色染藍  
舊家曾記住城南客遊落拓思尋偶生小纏綿學養蠶  
失母可憐心耿耿背人初見髮鬢鬢而今好事成彈指  
猶賸蓮花插戴簪零落遺香委暗塵更參繡佛懺來因  
永安錢小空宜子續命絲長不繫人再世韋郎嗟已老  
重尋杜牧奈何春故家姊妹應腸斷齊向洲前泣白蘋  
菱湖爲城南大鎮風物勝於荻港厲樊榭詩云到眼忽  
成市千家匳鏡開魚多論斗賣菱好及時栽歷歷帆斜  
過沄沄水倒回有人葭莢外銅笛或吹來其吳興歸舟  
云風俗家家具畫船苕山浮碧在門前自牽賤事匆匆  
去不爲蘋花住一年

樊榭極賞吳興風景同陳授衣章憶舊遊云昔年曾記

奉清歡水國樓臺入夏寒好事故人分茗供高情太守  
借山看過橋樹色濃於畫掠艇溪光染未乾安得與君  
常泊宅更無塵土汙毫端陳詩云春風陳跡已漫漫爲  
話蘋香憶碧瀾四月桑陰門巷綠半城溪色市橋寒老  
漁舉網銀刀出少婦縑絲雪繭殘果有心期不相負三  
間水閣未應難

蔡效清竹寒沙碧山莊在武康餘英溪上永安山之麓  
厲樊榭寄題云清溪逸士地行仙抹月批風不計年愛  
選好峯撐屋角別穿流水入階前少霞字重新銘在東  
野居荒古井傳想得嘯臺高幾許待將詩句問青天周

穆門亦有詩載無悔集中

埭溪鎮在府西南五十餘里溪山環繞仄徑旁通有村  
曰上强精舍寺遺址存焉香山最堪愛處未曾遊之句  
卽指此胡茂才耕情

演禮

有竹枝詞狀土風甚悉錄其

十二莫干源發下長灘築埭當衝石密攢卽似埭溪趨  
出口妾如埭石障狂瀾華山嘴下水潌洞滙進陳家漾  
裏來流水無情情尙有如何人不掉頭同春分節屈筍  
開園樓外鑼聲陣陣喧笋櫓船行聞最快可能捎信到  
都門車馬衙頭社會看竹邊翠袖不知寒映山紅向滿  
頭插誰愛幽香谷裏蘭防風菜苗映溪青野老誰知藥  
有靈遊子受風應不少行厨可備一星星採茶溪女趁

晴天雀舌初舒穀雨前萬物從來皆愛嫩粗枝大葉不  
多錢冒雨條桑敢畧遲人飢不顧顧蠶飢巧溪一曲高  
擡價估客爭收鏡面絲茶場一闕太囂塵術藝齊來百  
貨陳畫上美人偏紙貴問渠何處喚真真荀脯初成寄  
一匳紅頭綠尾味餘甜繡鞋底自郎看慣鄉味尤珍尖  
上尖山田早種稻先黃炒穀家家飯有香不獨蓴鱸歸  
念動嘗新時節應思鄉華燈巧借楮先生刻鏤形模色  
色精此夜閒愁渾不動金支百二月三更滑笏清溪里  
老談木龍常在木龍潭浮沉不去隨流水定是女貞不  
是楠

趙璞函

文哲

以諸生遊李鶴峯侍郎學幕至湖有碧浪

湖聞笛品天目山茶題石柱記殘帖次東坡韻見嬋雅  
堂集其吳興雜詠云謝塘微雨挹香塵橋影樓痕總麗  
人日暮江南歌欲斷蘋花蘋葉不勝春蓮東蓮北住鴛  
鴦雙槳人來一水香惆悵張三中去後尊前何處問兜  
娘鷗波舊宅畫橋東鏡檻書床日許同總向藕花香裏  
住著衙只合水晶宮三月桃花水到門如眉蒼弁翦煙  
痕箋天乞得五湖長日向春風醉石尊浴蠶煮茗笑相  
邀鏡裏人如溪上茗唱得羅裙餘幾褶月中連袂墜釵  
橋新豔未經人道

湯緯堂炙硯瑣談羅山李羹堂觀察調元詩才敏捷余  
隨牒德清卽席口占云四月含桃熟依依悵別筵江南

蕁菜長燕北柳條牽舊仰飛鳬舄新投飲馬錢縣名真  
不忝清德有誰先緯堂名大奎余癸未同年少遊于文  
襄學幕至湖州詩云布帆輕漾落花風港水灣環曲更  
通一片綠陰低遠樹菰城春色水雲中後補官德清必  
有題詠不可得見嗣補任鳳山爲林逆所戕子亦被害  
詩文散失僅存瑣談三卷緯堂弱不勝衣寡言笑而臨  
危致命大節凜然其弔伍胥詩云折指姑浮恨莫任錦  
城斜日蕩春陰降王烏喙方嘗膽浣女蛾眉正捧心黑  
犬夢難禁北伐白猿妖竟出南林誰憐風雨松陵夜扶  
目如輪怒氣森悲壯沉雄幾成語識亦奇

太守永福字用五作吳興竹枝云香雪西崦處處栽終

朝結社賞梅來兒家門戶敲不得留待月明人靜開練  
裙如雪浣中單二月風多草色寒片雨過窗紅日現家  
家樓上曬衣竿

張瘦銅舍人

墳

繪荒莊感舊圖序云張莊僖公暮年與

弟侍郎築室菱湖極裙屐絲竹之盛世稱四雨莊今已  
爲禾黍之區

墳

爲侍郎六世孫繪圖以紀吳穀人太史

錫麒

賦詩云尙書朝內有聲名袖裏彈文四海驚兄弟

田園歸隱後至今禾黍共秋清按莊僖名永明由侍郎  
晉尙書子天秩官郎中天德官太僕寺少卿未聞弟爲  
侍郎菱湖築室或尙書自構或二子築以娛親未可知  
也今南街尙書第尙存綽楔巍然裔孫

志楓

曾從余遊



未言四雨莊事瘦銅與余同事畿南學幕半載聯牀未  
言祖籍湖州在京時志楓同在四庫館校書亦未詢及  
輩行與敘宗誼獨於四雨莊繪圖徵詠抑獨何與

秀水張浦山徵士

庚

乾隆初舉鴻詞科不見收以布衣

老詩古文皆有法度刻有強恕齋詩文集尤工山水與  
肯庵太守同門相善時往來茗雪間太守就郡治築浦  
來軒以居之頗多倡和惜失傳其晨起同徐茗花

以坤

姪餘堂

慶燾

登峴山云浮翠映城雉市喧亦已違舒根

入陂塘危顛散煙霏巉巖石氣積參差堂宇輝古跡能  
厯指穢雜殊可歛幽賞轉後麓密竹涵朝暉傍經屹墓  
碣遺骸瘞細微

墓有碣云石蒲齋侍兒明霞之墓乃前  
明司李馮公可賓瘞侍女處石蒲其齋

也名女奴亦何幸名字垂芳菲德色分軒輕世情乖是非  
三歎返舟楫涼風吹我衣

海甯曹蓮浦上舍有光秋暮登峴山寄同學徐臨皋云

涼籟度空碧微風江欲波荻花秋色淨楓葉夕陽多興

至憶佳友狂來發浩歌一筇冰雪裏遲爾訪巖阿臨皋有歲

暮見訪之句

德清徐臨皋明經玉樞年垂大耋好學不倦常主汪靜

圃主政尚仁家無軒廣文與同郡庠最相契合爲誦其

庚辰春暮同仁和邵思周孝廉海甯曹迪前上舍有光

兒子賜厚過歸雲庵拜孫太初墓云松篁滴寒翠猿鶴

失清音瓢挂吟壇靜雲歸禪榻陰羣山銜落照孤豕拜

空林處士高千古風前動客心亦頗不讓前賢

吳穀人太史

錫麟

家本西林村人有感懷詩云僑籍錢

塘百載過白雲迢遞隔煙波田荒丙舍經營缺戶長丁男慰藉多笑涕萬端時屢換詩書兩字教無他數椽老屋西林住明月猶來照薜蘿又南潯舟中詩東西水柵市聲喧小鎮千家抱水圓敗齒印沙沾酒屐櫛頭抄路送租船清風橋口三年夢太尉城邊一笑緣

文待詔泊南潯詩一

笑江湖

本浪遊點綴荒寒賴烏桕小梅花壓幾梢偏潯鎮濱湖

港汊處處可通抄路二字不可移諸他處

康熙中葉後吾湖詩派極盛於竹墩前坵兩溪相望不三里而近所傳雙溪倡和詩是也詩爲蘋村宗伯所選

卷有六得古今體詩四百六十四首得倡和者二十九

人爲沈心齋通吳芸齋曙沈厚餘樹本吳青然大燁沈

繹旃炳異沈幼牧炳謙沈素庵允相沈磨仲楷世沈寅

馭炳震沈植庭樹槐沈同叔植國柯南陔煜吳琳巖斯

吳眉宗溶丁靜山凝姚孟誠德至吳山補啟袞沈端

文揆曾吳易齋隆元沈殿擎杜臣柯貞裳壽坤嚴古干

光夔茅逸羣應旦茅渠眉應奎吳我錫啟袞孫立夫介

董翰飛浩朱樵雲廷傑董周池胡駿先何義門序之蘋

村復序之嘉善柯南陔煜序云水晶樓閣蕭森迥異乎

人間浮玉溪山奇秀夙標乎甸外問訊詩中漁具曾此

勾留指揮竹裏樵青於焉信宿葉左丞之真意千步瓏

玲趙承旨之清輝全身罨畫藹藹吳根越角獨開茶筍  
之鄉紛紛岸芷汀蘭徧護水雲之窟則有沈休文之門  
閥奕葉雕華吳叔庠之家風聯翩才藻遙指瓊樓玉宇  
子瞻不待乘風暫依竹簟茅檐永叔豈容支枕阮分南  
北咸隨籍以俱賢陸並東西機挾雲而競爽何山窈窕  
移爲翡翠之牀碧浪空明吸作蟾蜍之滴書淫傳癖沉  
酣四庫之間吐鳳懷蛟噴礴千秋之上畫橈萃止方排  
日以分題蠟屐偕來更當筵而受簡或豪吟之陡發喝  
月倒行或密緒之徐抽繞梁不去蠻箋研就頻催阿買  
之書鈿筍攜來已付小紅之唱斯地也洵麗農方丈之  
爭奇斯人也復鯨海鶴天之並駕詆蕩紫霞之賞品題

藻笈之書屬有畸人挂情良友出沒菱荷香裏疑乘貫  
月之槎婆娑金石堆中恍入謨觴之洞眠餐蘿月誰主  
誰賓盥漱松風不巾不襪取金貂而換酒杯不停飛叩  
銅鉢而成吟腕還欲脫諸君好事徒懷投轄之心浪士  
無端誤作遊仙之夢假令誇之熱客未免羅師然而徧  
數清遊最爲蜺斗還念藍田輞口旣倡和之無多金粟  
玉山亦賓朋之偶集豈若雙溪作合廉泉讓水之潏迴  
兩姓論交謝墅王亭之咫尺雖召雲命律他邦不乏同  
聲而緝柳編蒲賢主獨持大雅琢磨琬琰遂成羣玉之  
峯呼吸方華頓有衆香之國從此雞林賈客爭購新篇  
蠻布弓衣競傳麗句庶幾遐陬結契行多汲古之人如

其下士懷疑請試量才之尺迄今讀之令人遠想慨然  
而詩之美實不勝收也

容齋餞別南陔卽席聯句用裴晉公興化池亭聯句韻

云良會豈易得斯洛清秋已漸來煜廣庭風入幔曙促

坐客銜杯隆元桂樹香初動允相槐根夢乍同樹本閒

身隨處好楷世笑口及時開楨國蛩語喧歌榭炳巽鸞

音起嘯臺炳謙且謀今日醉樹本共試去年醕斯洛怕

折橋邊柳允相愁聽笛裏梅隆元主賓皆眷戀楷世倡

和重徘徊煜把臂嵇兼阮曙論心陳與雷楨國任他燈

影炮炳謙莫管漏聲催炳巽豹隱文原蔚隆元鷗盟意

不猜炳謙明星移碧落楷世清露滴蒼苔楨國未覺扁

舟遠

燭

還欣僊侶陪

允相

數依金谷罰

樹本

人漸玉山

顏

曙

珍重旗亭別

斯銘

縱橫河朔才

炳異

連宵成茗芋

燭

小住亦佳哉

炳謙

心齋閣學跋云己丑之秋柯子南

咳吳子琳巖並過吾里與雙溪諸子倡和盈帙茲聯句  
詩去韓孟之奇險得劉白之清醇洵爲吾里添一則佳  
話惜乎余弗克與斯會而同賡數韻也

雙溪倡和集鈐刻精好已行於世復有竹溪倡和詩未  
刻本起於康熙辛卯一二卷爲何義門所選三四卷爲  
徐澄齋所選五卷爲柯南咳所選六卷爲楊皋里所選  
後附探梅集屬樊榭序之茗穎集柯南咳選之則已至  
雍正癸丑年後於雙溪倡和所增之人則有董渭宣

燭



姚玉裁世銓茅用白藉釋徹照沈在掄生遴沈心儀洽

曾沈申培樹德沈持謙棠臣沈勉之榮仁沈葆之榮光

沈常之榮向沈慎之榮佑沈謙之榮儁沈振之榮簡沈

緇旋生策沈昭子傳吳書升任韓俊超沈雨蒼作霖沈

鶴年沈思莪樹菁沈永之榮昌沈補思生甫沈六只生

翠沈葆初生華沈秀君生芝沈九度生齡二十七人雖

小有不逮而合諸前集二十九人共得五十六人輝映

後先亦可侈矣徐徵齋先生葆光庚戌三月訪同年沈

綸翁於竹溪招集存雅齋出頻年倡和稿見示漫題四

絕云秀結三涼竹有墩風流百世衍雲孫聯珠自具東

陽體才子從來聚一門村之西有三山聳峙每山相去半里許俱名涼山乃村之來龍

也

尋聲短棹入雙溪佳士來迎果有攜一歲倡酬聯一

卷鏤金雕玉力能齊眇硯吟無一字同短箋工敵各稱

雄紫荊花下春和氣正在爭奇競勝中重陽客裏也登

臨

光有客中廿二重陽詩

何似君家聚族吟徧插茱萸兄弟樂聲

聲南雁總和音

眇硯者炳巽貽炳震以端石上方微窪規爲月形以蓄水遂以名之也

城南沈氏園向名傲閒堂嚴存庵宗伯攜酒看梅詩登

堂樂傲閒嘉卉紛以敷庭梅非一態偃仰都清癯是也

乾隆初年歸先大父中爲宗祠改堂爲漸成草堂取坡

公五畝漸成終老計之意有亭有臺額曰鷗波遺址三

三徑庚申辛酉間於此觴詠姚蕙田有憶漸成草堂荷

花五古又清明過草堂留飲梨花盛開有梅花一樹臨

水獨放賦詩云百五春園節候佳寒梅剩見後時花自  
綠冰雪開遲暮不共梨桃鬥物華結實會先張谷樹成  
蹊還讓武陵霞謝公若倦登臨賞誰艤孤芳到水涯榆  
村先生九日詩云秋菊有黃華賓館過重九城南三徑  
新參差開戶牖祠屋肅清高繚垣敞五畝廊虛雲不礙  
池閣月能受欵帽臨高臺煙鬟露山首先生廉察歸西  
南歌父母俸錢散六親清節誓相守婆娑秋樹間室大  
不踰斗三廟禮所先灑掃屬園叟雖無金碧華却並松  
篁久佳節召賓朋花飲笑開口遂酌菊花杯起爲先生  
壽鮑西岡詩黏壁無存先君和云卜築溪南水橋低不  
礙船養魚宜小雨樹竹泊晴煙徑折看無路池深試有

泉相攜求伴侶好句覓尊前丹碧刪除盡休留澗乃公  
輞川容鹿柴甫里祝牛宮當戶雲嵐入環城塔影同明  
遊慵應接書草報恩恩淒絕王孫宅蛙鳴地在官到來  
今古遠及此歲時寬野水清堪染遙山秀可餐相羊殊  
未已樹杪映朱欄又揚州旅夜懷草堂荷花并柬姚蕙  
田詩盛夏避炎官風亭成小住選樹拓數弓詠涼得佳  
趣疎桐欲逗風幽花微浥露點點隋苑螢明星帶無數  
風物想紅橋客言已非故往時水淪漪紅鬧江南路誰  
令雲錦叢翻成葭莢聚惆悵感中宵不眠祇倚樹我家  
水雲鄉城南闌小圃築宅近王孫穿池規白傅瓊荷栽  
百本綠意迷朝霧雨點淒游儵風標眠宿鷺向夕點染

妍月駕山頭駐蒼翠滴前軒煙波橫晚渡對宇漁梁洲  
之子美無度著書高士傳樂志閒居賦張南與周北夙  
昔褰裳顧一從過江來履綦失良晤頗聞維摩疾終恐  
煙霞痼蓬門三徑開思君拖筇屨三十六陂蓮清芬得  
佳句已先申僮約更乞加愛護期勿萎秋風碧筍酌清  
醑鄉心遙寄緘隨潮下瓜步自癸亥不加修葺松竹荒  
蕪亭臺傾圯辛亥冬余松巖廣文昂霄來遊賦詩云初

冬風日美綠溪步荒坰迤邐城之南幽居隔沙汀望欄  
喬木遮南山圍翠屏小住潁川室引勝鷗波亭遺址訪  
松雪彌望煙雲停歸然戴氏祠堂構仰前型澄潭漾枯  
荷百堵環雉形溪山結鄰古蘋藻永薦馨兩楹垂銀鉤

示後留箴銘

每懷弓冶留先澤長結溪山作近鄰乾隆戊午臬使卯君先生書也小年託

姻婭白首交雲祲益信稽古力弗替惟傳經式瞻松杉

古閱世如流星拾芥視青紫豈不在添丁

今秋戴氏人泮四人

茗話往昔清風來軒櫺徘徊覽園圃斜日明遙陞不愁  
出入迷南湖波泠泠茲遊踐宿約攜手欣得朋松巖仁  
和癸酉舉人宰密縣自請改教得歸安訓導與家叔晴  
楓倡和無虛日余向在杭訂交在汴相聚今至安庠重  
晤年七十五書畫猶昔飲興更豪

嘉興張明經

慶燾

字餘堂嘗與族伯浦山徵士館徐茗

花主政家最久有茗雲集舟發茗溪云日落蒼山晚寒  
溪一鏡明煙空村舍靜風飽片帆輕貧不容人懶天應

老我名被驅飢似朔襍被又宵行遊飛英寺同瓜田伯  
和蘇韻云北城隱塔院徑僻行跡稀翳然饒林木日夕  
愴忘歸秋陰釀微雨寒風吹落暉坐覺法界寬空花墜  
我衣僧閒如太古客到敝荆扉神契參妙諦解脫是與  
非又晨起同登峴山云性癖耽山水嗜好與俗違晨興  
侍杖履攬勝入林霏理權菰城曲山色露容輝載登逸  
老堂懷古心歔歔石尊委蔓草古木留清暉緩步穿側  
徑秋光轉熹微煙空山骨見黃葉散芬菲景物有如此  
人民亦已非同頭望山麓飛翠撲裳衣杭堇浦先生  
世駿題此集云詩格清圓獨得香山閒適之趣五古則仍  
瓜田家法明珠仙露未可與淺中人共參也浦山別號

瓜田外史



吳興詩話卷十五

吳興詩話卷十六

烏程戴璐腹塘輯

自改堂太守後二十餘年沔陽李肯庵先生諱

堂以辛

酉舉人壬戌進士由澳太和令擢守來湖甫至慨安定

書院廢久於通判舊治別建愛山書院公餘步履督課

延桐鄉鈕太史駕僊先生

汝騏

掌教時烏程孫適齋大

令擴圖亦山左名宿題楹帖云沔水舊宗工看此日鴻

規不愧文章太守弁山新講席想當年雅範應稱安定

先生一時人才輩出太守課士不懈令肄業生有中式

者種樹一株久已成林在任十一年載書滿船以歸

愛山書院自駕僊先生振興文教後孫潛村太史

見龍

吳詩話十六

繼之得人最盛庚辰獲雋者十人是時約亨宮允主講

蕺山門弟子中式者亦如其數從孫羨門上舍

霖賦四

韻分呈云日下歸來添白髮却教主講各投簪愛山臺

畔尙吳語采蕺齋中多越吟派別清江推古昔教宗安

定其追尋卽看秋賦皆奇士更喜逢辰得竹林自注謂

雲川叔升庸兄楓培弟均肄業愛山同登賢書

璐按楓

培先名宸屢上春官不得志至壬辰改名辰東會試第

一遂以第二人及第逢辰之句若爲預兆

肯庵先生守湖越十年四經水患補救處良費苦心壬

午七月作大水行云江外湖州最卑下

本顏魯公帖

大雨時

行昔所怕廣茗諸水湊城南碧浪湖填難注瀉全憑笠

澤爲尾閼七二漚港成長渠慨自三江失疏淪四萬千  
頃多沙淤東江故道朱堙滅黃浦襲江須論列一宜急  
灑一宜洶叵耐吳淞先鯁噎此乃茗甞之津門瓜涇接  
吭青浦噴下流弗洩上流塞淫潦秋漲漫天吞賦財重  
地澤居半傍溪卽田隄卽岸雲波詭譎誰能當捲入狂  
瀾俱血汗九載中間四告凶緣知滙蓄水難容視彼黃  
河非海口龍門積石當填胸今年七夕風雨作翻倒銀  
河灌城郭綺阡繡陌付洪濤老稚何能免溝壑蒿目思  
陳鄭俠圖哀鳴卽是往年徒問誰沒溺貽之害未修人  
事天難呼籲請曾經具博議千里郡民命所寄空言無  
補喚奈何是吾過也敢弗誌書卷付無軒無軒卽錄於

吳詩話十六

先生存歸雲庵詩卷中跋後云右大水行爲官庵先生作當時大書一卷見賜藏之久矣前者吾郡水患頻仍先生籲請大府疏濬濃港每以江蘇下游事權不屬議寢不行壬午初冬中丞莊滋圃先生調任江蘇允爲疏濬同時舉行俾濃港一律深通水至暢洩三十年來不致汎溢者先生力也比偶家居檢得詩卷爲錄於此俾後之人據以入志亦先生臨別時所語及者頃見沈篙師先生榮仁壽山亭詩畧有濬濃歌寄贈李郡守云吳興百川東北走五湖爲浸具區藪其濱宣洩有支流溝洫遺規名曰漚五里十里疆界清一字編排得八九漚十二各有名以常字每當夏秋暴漲生順勢奔趨歸水口縱然

淫潦豈爲災耕稼收成千萬畝年來淤塞蓋有由半謂  
天成半人取湖身原比內地高倒灌洪濤乃時有齧隄  
刷岸致坍頽水退更留沙積厚淺形漸與地形平故道  
依稀多雜糅黠民私幸免輸將占作田廬或林阜閒曠  
人人可覬覦往往紛爭混誰某西南之水萬派來遂若  
喉痺吞不受從茲漫漶橫郊原每見汪洋浸禾莠昔年  
聖祖翠華臨頻諭官僚及農叟從容條奏頗精詳洞庭  
遊擊

臣

牛斗

詳見鄭元慶石柱記箋釋

邇蒙

聖主更垂諮端在疏通利黔首果然興廢有乘除盛事  
又歸賢太守高低廣狹幾評論紆直參差細分割壺殮  
布澤自均霑畚鍤如雲誰肯後于喁相勞總歡聲奔走

爭能無情手投泥任戲丫角童餉飯亦多椎髻婦晚來  
濯足踏芒鞋歸去張頤酌村酒初看小舫試篙竿便有  
游鯈引蚪斗漸推漸滿滑油油就淺就深清瀏瀏一旦  
堂堂復舊觀因循畢竟非天咎事在人爲理豈誣但願  
藩封如父母堅根尙賴種榆楊刮底時須除土垢遇雨  
無憂岸址崩捲風不畏湖波陡年年歲歲水患平漢代  
循良堪尙友宣勞十稔吾習聞泥飲每遭田父肘今朝  
倍喜伸夙願引醉何辭倒瓶缶懸知鄉里口碑騰誰與  
作詩傳不朽洋洋大篇雅興事稱此最有關於吾郡民  
瘼特詳於此

肯庵先生倩馬腰沈芥舟茂才

宗騫

繪六客圖極筆墨

之妙六客者協戎昆明趙際斯國盛徵士秀水張浦山

庚吉士歸安孫潛村見龍編修歸安沈篙師榮仁編修

桐鄉鈕駕僊汝驥及先生也趙亦屬山人潘聖岐重繪

焉篙師爲題四絕云仙李賢聲孰後先謂前守李公擇新圖恰

共舊圖傳從今披覽皆高會何事紅燈綠酒邊誰主誰

賓笑語融六還如一此心同石闌徒倚人何處只合華

胥夢裏通余與駕僊同坐石授簡還教點麝煤聞琴更

喜泛螺杯迂疎笑我成何用老子韓非合傳來圖中也

浦山潑墨際斯虛亭詎得比華堂六客周旋數適當白

髮酸寒聊復爾續圖何敢望潘郎先生於沈圖都有題

句惜不傳矣



吳詩話十六

肯庵先生歸養以戴笠圖留歸雲庵挂瓢堂中陳無軒

廣文

焯

重加裝潢偕門下士俞霽寰大令

開甲

汪檢齋

孝廉

粵

王復齋觀察

鑾

孫心湖大令

功烈

等於春日攜

茶榼瞻拜乙卯花朝余亦同往見先生自題小引吳興  
山水號清遠雲峯插漢尤爲奇絕百步棧旁有歸雲庵  
庵右爲孫太初挂瓢堂古松合抱微風驟至濤聲琅然  
萬壑皆應予守湖十一載每歲來遊低徊不忍去今將  
南歸以戴笠圖付庵僧知余亦有愛看此山之癖俾後  
之遊此山而憶余者尙可於苴袍竹杖間作良覲云詩  
云無瓢挂壁尙何求歲月蹉跎十一秋身外有身還自  
認客中作客倩誰酬歸與几席雲將散老矣桑榆事莫

收竹杖苴袍娛素志人人面識李湖州無軒和云鏡中  
勲業卷中求露冕驚看兩鬢秋樹木十年期易長炷香  
一瓣恐難酬春來鴻雁含愁問夢裏瀟湘帶雨收幾度  
籃輿思共覺鶯花千里澤南州葉正始詩和云露冕昔  
曾窺半面當時兩鬢未驚秋鶯花上日依辰至絲竹中  
年取次酬白社宛從林下結青山都向檻前收披圖已  
似東坡老不待崎嶇抵惠州一香山居士屏風樣展向  
虛堂枕簟秋乞食僧歸聊作伴挂瓢人往孰爲酬尊前  
桃李春風度夢裏江湖夜雨收眉頰憑君重指示十年  
渾未識荊州方珍如龔梁和云曾傳衣鉢費研求夢斷  
晴川隔幾秋滿塢雲山誰作主兩朝詩句共相酬庵藏諸名

人題 鄴侯仙骨毫端露供奉前身畫裏收彷彿追隨韻

海畔依依甯止識荊州方署輝題柱和云十年門下許

蒙求僂指南歸幾度秋三楚仁風欣未艾兩齋化雨愧

難酬入山慣領高人致茹古全憑綵筆收詩卷中皆和前人題詠

墨妙亭空誰是長先生有墨妙亭長篆披圖如溯沔陽州余亦和

云僊舟東去邈難求遺像空山三十秋粥鼓齋鐘作供

養嵐光篁影憶吟酬澤民猶念棠陰憩愛士咸懷藥籠

收白首羊曇多感涕歸雲丈室當西州瓢挂亭荒迹易

求芳踪咫尺並千秋文章太守前型續吳蘭次太守建太白亭時稱賢

守 泉石高風異代酬畫卷門生聞獨秘王觀察多圖書藏公畫

廉吏幸兼收公書齋市余門生何不園牧沔得之獨餘老衲珍遺澤薄采

黃蕉薦柳州

庵僧藏公詩卷及名人留題書畫

童時佔畢少研求拂拭

甯忘五月初觸暑毫揮偏見賞升堂餐授愧難酬雪深

未共門前立風送猶欣網外收

甲戌五月互試兩邑屢拔前茅因隨任未入書

院丙子自東陽馳返正試已竣甫脫爛衫公已去長懷

雲夢澤南州

公於癸未告養

歸來握手荷羊求仙侶同舟鬢各

秋人集湖船盡耆碩詩留湘管半賡酬

無軒齋名同高人多有題句

峯未遂扶筇上韶景先憑倚檻收堪羨晚香林下備傳

衣久頌治齊州

霽寰前宰臨朐心湖宰淄川久歸不出

孫心湖和云風檐

早歲句難求鹵莽何知望有秋薦鶚名高榮轉愧籠鵝

字妙賜奚酬衡文每預青錢選肄業還叨絳帳收猶憶

仙槎歸去日送帆揮淚別蘇州無瓢無壁百無求遺像

俄經三十秋老衲空山長侍奉清風幾樹當吟酬

先生自書

有陳迹半隨雲影散清風還倩樹聲留一聯藏於挂瓢堂謁像時庵僧出而並懸之圖留戴笠人

難再燭翦歸雲淚不收共采溪毛和茗薦知公從事厭

青州

公飲酒僅濡唇

沈竹士

榮錦

和云白雲深處叩門求太守

圖懸春復秋青笠獨尋坡老跡窪尊遙與魯公酬此時  
花雨空亭落當日珊瑚鐵網收卻恨我生何太晚徒從  
屏障識荊州氣味甘從淡泊求尊鱸忽憶故園秋身歸  
七澤三湘去神與山人野衲酬龍象追隨深院靜香花  
圍繞勝因收扣扉漫灑羊曇淚魂魄猶應戀此州沈右  
溪琛和云千里棠封遠應求菰城回憶幾經秋垂髫尙  
記觀車從題壁何緣互唱酬檻繞香花優鉢供庭陳名

畫輞川收前年我上湘東路太息輕帆過沔州仙舟同

泛友聲求滿徑松陰冷若秋詩卷湖山供嘯傲朋簪琴

筑互賡酬泉鏗澗壑階前落塔擁煙霞檻外收多恐聚

星驚太史一時嘉會冠南州馮嶙谷峒和云此心何戀

復何求淡泊相遭已十秋啟後承先無我分圖名計利

若爲酬峒自丙午以後父母妻子俱亡子然一身心無繫念良朋半逐晨星散世

事幾同宿霧收只有師恩拋不得夢魂時溯沔陽州嗟

蒙曾許應徵求鄰碧樓前幾度秋十二年中承講畫四

千里外賜賡酬丙子歲始肄業書院迨公歸後歲寄課藝必批改寄復郢斤忍棄

山樗質燕石深慚鐵網收贏得吳民空歎羨霜髯猶記

過蘇州公歸過澣墅民焚香送者尙百餘蘇人歎曰去任官那得此真好太守也峒至闕外力辭令返

目想真於妄想求青山寄笠幾春秋復齋茗薦忻初倡

然圃蘭言好共酬

祭始於王復齋公不飲酒奠用茶果癸丑歲然圃限褻帖字徵詩紀事

此日祇看紳士奠他年應望史官收戴公堪繼蘇公筆

畫像猶傳張益州

戴蕢塘太常始次公原韻作詩四章奎宿高高不可求

錢香樹先生謂公類東坡因贈送春偏合賦悲秋公沒

號也仙道家云坡仙沒爲奎宿之期是日爲宜班聯玉筍期終古路遠雲峯互唱酬

何必予生方寄跡第傳我道便須收

凡門下子姪及從學在庠者皆得與

祭書

自今報事無忘始丹荔黃蕉視柳州

肯庵先生在湖得管仲姬畫竹攜歸建管竹樓以藏今

不知存否卷本項墨林所收竹凡數百竿間以流水幽

石石之皴法爲叔明前導欵載茂德夫人雅愛墨竹見

余所畫竹於姚侍御夫人家郵緜見命遂爲草草並題  
一絕呈教流水崇山接茂林望中煙雨若森森欲知此  
地何人在嵇阮而今正放襟延祐七年四月天水管道  
昇識見無軒湘管齋寓賞編

濟甯孫適齋先生

擴圖

乾隆丙辰舉人出汪文端公門

下乙丑明通司教掖縣甲戌宰烏程風流文采照耀溪  
山試童子選拔真才訓課不倦尤嘉同年友陳焯秀異

而培植之卽受知學使雷翠庭先生同余入泮左遷縉

雲令贈以詩云烏程載酒日童冠論文年綠水青山地

光風霽月天抗顏徒自笑好古許君堅餘事稱能賦詞

源倒蜀川迨官錢塘命子佳樹

玉庭

問業於

焯

未幾去



官居家課子不復出先生夙以未成進士爲憾猶及見  
佳樹乙未入翰林擢河東道也今廉訪粵西

適齋先生左遷縉雲入 覲章祐庵黃門時告假還家  
送以詩云澤中鴻雁鳴磬日郭外驪駒歌唱時一路擁  
車聞太息三年治邑見憂危金門此日王喬舄峴首他  
年羊祜碑民力東南勤 睿慮艱難爲報在廷知可想  
見先生風槩矣

錢塘周駕山參軍

兆鼇

司訓郡庠過碧浪湖云望裏湖

光似鏡平紅亭白塔映波清荻蘆夾岸分山色一路惟  
聞漁唱聲又同人遊峴山云峴山風景似孤山湖樹湖  
雲四面環逸老堂空如放鶴嵐光無數夕陽間後遷東

昌經歷去

督糧使者儀徵鄭楓人先生

漢

壬午

召試中書官浙

省十餘年經碧浪湖懷無軒學博云一酌烏程酒重經  
碧浪湖漲迴新雨濶天倒晚雲孤柳色隨征鷁漁歌起  
浴鳬臨風懷我友惆悵滿菰蘆又爲無軒題碧浪湖圖  
七言古落句云結鄰有約願他年更畫雙鷗傍溪石亦  
深愛吾湖山水之佳罷官後曾消夏於金蓋山之雲巢  
崔漫亭觀察

龍見

辛巳進士少隨外舅錢文敏公視學

浙中其和蘇法華山詩落句舊遊棖觸立蒼茫卅年慚  
負題詩債蓋隨侍輶車未暇遊賞也及癸卯通守杭州  
因公至湖次竹垞先生韻二首云已醉烏程釀初遊碧

浪湖落梅風渚淡斜日蜺山孤煙艇春歸早窪尊興到

無驚心思舊賦倍欲老蒹菼

碧浪湖

選勝菰城北言尋白

雀巖忘機共鷗鷺問道入松杉天與湖光動山將樹色

銜吾生倦行役孤往任雲帆

白雀寺

甲辰歲福建徐兩松

大中丞

嗣曾

來西湖

行在所時鄭觀察守杭州與二

公相遇揖之曰今同時並見兩東坡矣相與軒渠

崔徐皆子

同年友

郭書屏大令

文誌

辛卯舉人閩中名士也兩權吾邑事

聽斷如流不數月盜賊屏息政聲大著戊申初蒞時遊  
歸雲庵觀懷詠孫太初詩卷已經零落感其鄉先輩謝  
在杭徐幔亭記語遂損鶴料之餘屬陳無軒排次裝褱

題其後云欲護孤山墳種梅徧春塢梅存墳斯存名跡  
資支輔太初三尺冢題詠咸詞府遺墨留左契以此絕  
侵侮慨惜百餘年卷帙幾朽腐誰親裝褫勞無軒力獨  
苦拂拭故塵軸一一綯春組佳句與梅花均足妥坏土  
孤山道塲山兩墳自千古

大令調任長興王子春朝俞霽寰以和邵康節韻詩寄  
之卽景依韻賦答云春到茗溪草木香千家瑞氣發韶

光山村俗本陶唐舊

邑有堯市山相傳避洪水處

水郭城猶夫槩長

吳夫槩築名長城

酒醴樂斟飴背叟蠶絲競禱馬頭娘豐年官

舍渾無事判筆題詩應不妨足見太平氣象

書屏改裝勘壇坑料水利紀事云我欲詣壇坑鄉民必

迎候時當農事殷未可妨耘耨我不詣壇坑穴鼠競爭  
門箕畢好既殊失劑心爲疚易服歷畦塍是處窺蹊竇  
壇田水須停坑田水宜溜何者塞與通情狀盡入觀分  
別判示之脉理始合腴田間襍穢子未識予迴逗自笑  
似坡仙戴笠尋黎後其體恤民情類如此又敬禮邑之  
賢者如尙吳鄉道中柬鍾子山縣宰

震龍

輓蔣黉鼎茂

才典學

錢稼同茂才

貽秋

皆以品學相尙令人興感其

尖山顯聖寺作云路從山北轉山南夾道清陰列柏桺  
未伏風光開野徑上方幡影護瞿曇野田高灌巖泉白  
繡隴遙浮塔水藍爲禱山靈留霽景莫教雲蓋擁深潭  
月前多雨田關心民瘼不徒以遊覽爲工  
有被淹者

書屏大令癸丑試長邑以癸丑暮春初命題集蘭亭字  
爲詩一時和者甚衆各體皆備按董斯張藝文補載宋  
葛勝仲卜居寶溪建觀禊亭於水濱紹興癸丑泛舟修  
禊與客推算自永和九年甲子一週爲晉義熙九年又  
一週爲宋元徽元年自後梁大通元年隋開皇十三年  
唐永徽四年開元元年大曆八年大和七年景福二年  
周顯德二年宋祥符六年熙寧六年皆癸丑凡七百八  
十年以後紹興三年寶祐元年元延祐元年明洪武六  
年宣德八年宏治六年嘉靖三十二年萬厯四十一年  
國朝康熙十二年雍正十一年及今又七百二十年  
穆帝一庸主耳自有禊帖紀元賴以傳若元康元徽其

誰知之

癸丑春無軒廣文擬與同人修祀肯庵先生於歸雲庵  
卽以修禊事集禊帖字爲詩王復齋觀察得古詩十九  
首諸同人所集亦各體俱備與書屏大令不約而同無軒以  
奉檄權學瑞安匆匆就道不及舉會因臨禊帖字寫各  
詩存庵中可謂一時盛事余亦繼作因牽連記之

吾郡明初科名不振會榜恆脫自成化初建萬魁塔於  
碧浪湖自是不脫榜者三百餘年塔尖年久爲風刮落

己酉會試浙省減至七名湖遂無中選者時雷紹堂前

輩

翰

守郡率彥補齋明府

圖

等倡捐修復工甫竣而庚

戌癸丑中四人三入翰林張觀察

師誠

葉編修

紹桂

蔡

太史

之定

也太守乙卯備兵南贛繪碧湖餞別圖余送

行句云濟時霖雨潤湖山廉石堆來簿領閒六客堂開

招勝侶萬魁塔聳敗賢關聲名欲抗顏蘇上僚屬期參

卓魯間何限輿情求借寇彤幃將發看爭攀四月王寶

華

以錫

會試第一王署冰

以衛

第二

廷試遂大魁同

胞上第尤科名盛事不僅一郡佳話丙辰袁斗槐

槐

又

會試第一同郡連科亦未之見南巡召試賜內閣

中書者壬午爲王復齋

鑾

官陝汝道甲辰爲費西壩

錫

章戶部主事張蘭沚

師誠

雁平道並諸生又有舉人應

天津

召試者爲姚秋農

文田

亦入中書皆歸安人詞

賦起家後先接軫又足稱吾郡盛事



城中韓狀元坊婦孺皆知考求仲大魁時父太僕卿紹及母俱存假歸八十雙壽黃汝亨作序稱太僕初任知縣有活千人陰德行取西垣謬有聲齊眉上壽今郡人但知狀元不知太僕鮑西岡熟于吳興掌故贈韓怡園詩但言風流狀元後亦不及清卿今則更無有能舉太僕名字者矣

閔茂才巨源

志潛

詩草藏隔浦蕭娘墓石沒前朝御史

坊注稱御史郁姓成宏間人查志載天啟壬戌進士郁成治官太理寺副定卽其人二百年後裔零落遂無知者以名成治而誤作成宏幸有坊存人但知晟舍閔凌二族而已

閔莊懿公

珪

十同年圖詩載於府志沈閣學亦賦長歌

甲寅冬始見之裕仲太史乞寶東皋學使題句尙有翁

覃溪閣學

方綱

詩考據尤核沈公詩不書卷內其遺失

歟天順甲申及今垂五百年而絹素完好冠佩猶新望  
而知爲端人正士允爲閔氏世寶云

陳無軒廣文

焯

客京師宋芝山學正

葆涓

作湘管齋圖

一時和韻題贈多人彙訂成帙余乙卯春暮方飲齋頭

四壁瀟湘八景爲沈芥舟茂才

宗憲

筆齋外環植花竹

齋中滿貯圖書地雖與閭闔爲鄰翛然自與塵遠出示

湘管聯吟和韻幾二百人更有借韻而詠他題者無軒

厯浙東西司訓所至徵和更夥自疊韻至二十七首之

多餘於戊戌曾和一章今又和一首並用韻題寓賞編  
各韻難免雷同惟押曲字用其次致曲不可移贈他人  
蓋丙子童試雷翠庭師所命題也同人俱爲首肯云

吾郡飛英塔峙城之東北隅元趙文敏公詩梯飈直上  
數百尺下視層空鳥背過千里湖山秋色近萬家煙火  
夕陽多魚龍滾滾危舟檝鴻雁冥冥避網羅安得山中  
千樹橘側身西望洞庭波沈輪翁太史

樹本

曾和之云

金輪隔水頻年望寶地騰光此日過洞戶中蟠蒼石大  
飛梯外接白雲多浪憑青鳥通呼吸却喜冥鴻遠畢羅  
誰繼蘇公無事飲淩虛終日對煙波無軒廣文肄業太  
學時見文敏真蹟翁覃溪閣學

方綱

爲之雙鉤持歸謀

鐫石於塔下閣學和韻題後云東坡居士吳興住塔院  
飛英日日過震澤高鴻翔自廓小窗微雨境無多繞三  
十里徧履迹後二百年空崔羅有客來登俯涼簾可憐  
偃筆剩戈波此老歸來行老矣紹興陳迹已前過鳳麟  
洲島人重問鷗鷺江湖夢幾多禪偈依然對盆草秋空  
無際澹雲羅欲憑沆筆蒲蓮海餘不餘英處處波又用  
韻送無軒歸云得官終奈憶歸何重向東華策馬過把  
臂追歡常恨少賞心同癖已無多行囊爲我賣油素奇  
氣憑誰醉叵羅息壤湖山前度在此情除是問鷗波懔  
慨關河伏櫪歌停鞭聊爲故人過孤雲悵望千山斷片  
石蒼涼百感多東魯舊聞歸寓賞

君著有  
寓賞編

西吳遺蹟更

搜羅煩君爲補蘇詩話一夢同參宰堵波

君將勒松雪詩於塔下

亦將謀刻吳興施氏蘇詩注本

無軒告其友汪靜圃主政

尙仁

欣然刻

之錢塘梁山舟侍講

同書

跋其後無軒和韻云文敏登

臨成傑構雲煙落紙有誰過珍同球璧傳今少光照粉

榆感舊多燕北古懽推學士江南眞賞屬頻羅

梁侍講別號頻

羅庵主

鐫將林屋青瓊版可似深潭湧墨波靜圃承乃祖

復亭家學金太宜人母教風雅好事不但爲文敏遺蹟

特開生面又爲吳興添一掌故迨後秦小峴觀察

瀛重

過吳興和韻簡無軒云家園百里未歸何重向吳興鼓

棹過玉局曾遊春夢斷王孫一別亂雲多迎人山色濃

於黛送客溪光薄似羅惆悵閉門陳正字不來同問趙

鷗波督糧張穆庵觀察

映璣

和韻書後云孤城梵塔見

巍我不獨趨庭客屢過清泛茗溪塵土隔幽尋窮巷縹

緗多

無軒適家居因造其  
湘管齋縱觀圖籍

可能同挹三霄露却憶曾開

一目羅

謂上年  
程邑事

差幸今番來按部客堂可譜定風波無

軒寄搗本與覃溪閣學復和韻跋之云歸老西湖寄嘯

歌禪窗豎拂幾經過大千界邈幽尋久五百年深客夢

多眠佛定中雲寶髻虬松影共樹娑羅尙憐響搗殘縑

後未及圓光總撇波書牀掃葉兩頭陀更有留題客幾

過翠墨剔餘前蹟少錦囊積比舊時多想君凭望吳兼

越憶我吟同桂與羅

謂桂未谷  
羅兩峯

欲縮湖山來畫幅小窗

橫卷澹煙波方伯謝蘇潭先生

啟昆

題後云吳興晚筆

飛騰入秋日憑高拂雁過翰墨北平真賞寄

字爲覃溪師摹本

雲煙南渡感懷多急思按部行清雪想見臨風醉袂羅

似對浮圖瞻七寶餘英點處研生波學使阮芸臺先生

元於吳興試院題云秋來蹤跡近如何兩載飛英塔下

過茗上好山看不足趙家名蹟見還多

元見趙氏書畫真蹟不下二十

種道場峯遠人難到承旨門荒雀可羅

元至蓮花莊訪趙氏三品石惟

枯荷煎屋而已惜未重陽登塔去水晶宮裏看鷗波

方藕堂明府

維翰

大興人乙卯冬來署吾邑清勤恤事

民志咸孚賦春蠶詩云游蜂釀蜜百花殘未抵春蠶盡

苦酸帀月何曾得全飽三眠初起怯輕寒製成萬繭論

功易吐出千絲續命難好與園桑話消息空枝惆悵更

誰看雖有所託諷而亦可謂深悉土風者矣

余未諳青烏之學甲寅南還卜葬無所適從偶見金少

宗伯

姓

行狀述其山南得地前葬者以不吉遷去顧覺

四圍山勢匝匝掘地土色紅黃氣蒸蒸然信爲吉壤時

宗伯尙未達也因默識之隨得紫竹山地亦係程氏棄

地亦覺山圍匝匝且在九霞山祖塋後如堂室然因卽

卜吉發土色赤氣蒸來觀者無不歎羨晴楓叔賦詩云

表阡念切啟崇封應是西山淑氣鍾土湧赤墳真丙舍

脉來青塢正丁峯

丁峯曾祖墓

趨庭最近重泉慰廬墓猶親

隔世逢日夕陟岡瞻望處丸丸千尺仰春松儀曹秩晉

疊鸞封先陰原由秀獨鍾子孝早完同穴志城佳先占



最高峯居場夜靜山風滿負土春深穀雨逢爲念遺型  
來執紼幾回淚灑墓門松余敬和云負土期營馬鬣封  
重叨祖蔭秀猶鍾九霞近接環層嶂五老遙瞻峙遠峯  
五老峯曾祖墓距此五里此日泉臺應大慰不圖喬梓頓相逢新阡  
羣羨墳壚赤更愛龍鱗舊種松晴暉散盡白雲封西崦  
風光淑氣鍾梵唄恰當宣鹿苑是日棲賢寺說法因緣  
還是底螺峯七世祖始葬羅峯不須芒屨千山踏難得佳城咫尺  
逢獨愧瀧岡表何日悽愴春露倚巖松

吳興詩話卷十六

吳興詩話十六卷戴璐蕝塘撰蕝塘字敏夫別號吟梅居士烏程人乾隆二十八年進士自工部主事官至太僕寺卿戴氏科第傳家四世進士家有遺範門無雜賓蕝塘居京師四十年天下賢士大夫盡接其言論丰采多識輦下故事曾撰藤陰雜記以續日下舊聞之後又以鄉邦文獻廣事搜輯因沈膺翁湖州詩摭推而廣之因詩存人因人存詩凡摺紳韋布名賢宦績閨秀方外共得二百餘家人一小傳并仿明詩綜例繫以詩話先成十六卷首卷御製卷一至卷九皆名賢十至十二皆閨秀後四卷皆長官與寓賢科名盛事隱逸單辭博采廣搜藉以不墜其於前賢功德無量刻本久佚今錢丈

念劬寄我鈔帙卽補入吳興叢書詩話中有云沈棠臣  
封翁亦著吳興詩話不知藁本尙存否歲在丙辰天貺  
節吳興劉承幹跋

跋

此吾師李伯笙先姑丈手抄本也師諱中穌以清道光丁亥生光緒丁酉卒春秋七十有一道義文學卓著一時同治丁卯科舉人光緒戊子補授慈谿縣教諭惇師老德士林翕服平居於書無所不覽手抄書不下數百卷孳孳好學至老不倦兆琳於己丑春侍師於慈湖學舍講文之暇旁及掌故曾語兆琳曰吾邑戴臈塘先輩吳興詩話一書流離兵燹原板遺亡經余攷殘補缺手寫此帙慎毋忽諸兆琳識之不敢忘洎乎師歸道山謹爲藏之頻歲奔走携之以隨風簫雨晦澍覽遺墨往往溯音容而感梁木焉矧夫一鄉風雅悉萃斯編璀璨滿

目愛不釋卷嘗以是書詢之鄉先生罕有知者益歎是書之存於天壤間幾等於鳳毛麟角也藏之行篋忽忽將廿年矣滄海橫流風雲蕃變蒼茫身世甯能長此保存耶吾師往矣生平手澤雖不止此而爲兆琳所及見者祇此不尤足寶哉思付之梓因循未果今者適吾鄉劉翰怡京卿摻輯鄉賢遺箸見是書而愛之借校付印以廣其傳兆琳以爲此舉誠不朽盛業而追維吾師手抄之功實不可沒故誌其端末如此吳璣張兆琳謹記